



UNIVERSITI  
TEKNOLOGI  
MARA

Cawangan Perlis  
Kampus Arau

# Buletin InTouch

@ UiTM Cawangan Perlis

Edisi:  
2022

## Mendukung Misi GRU2025

Fokus Utama Amanat Rektor  
UiTM Cawangan Perlis Bagi  
Tahun 2022

### Menarik di dalam



UiTM Cawangan Perlis Jalin Kerjasama  
Bersama Korea Sports Promotion Foundation  
(KSPO) Korea Selatan



Program Hari Hutan Sedunia (21 Mac),  
Hari Air Sedunia (22 Mac) dan Ulang Tahun  
Penubuhan Trash Hero Perlis Yang Ke-3



UiTM Cawangan Perlis Jalin Kongsi  
Kepakaran Kepada Komuniti  
Orang Asli Melalui ESKOM  
2022



Majlis Menandatangani Memorandum  
Perjanjian (MoA) Antara Universiti  
Teknologi MARA (UiTM) Dengan  
Universitas Gajah Mada (UGM)  
Indonesia



## UiTM CAWANGAN PERLIS SANTUNI PELAJAR TAHFIZ DALAM

Oleh:  
Eliy Nazira Mat Nazir

Arau, 13 Oktober 2022 – UiTM Cawangan Perlis hari ini menyantuni pelajar-pelajar Sekolah Tahfiz Mutmainnah dalam satu siri lawatan Program Jaulah Ilmi. Program lawatan yang disertai oleh 30 orang pelajar dan 8 orang guru ini diketuai oleh Pengetua Sekolah Tahfiz Mutmainnah, Ustazah Mariam Jamilah Binti Yusof.

Program ini dilihat sebagai satu program yang baik bagi memberikan pendedahan dan pengalaman secara langsung alam universiti kepada pelajar-pelajar ma'ahad.

Pihak Unit Komunikasi Korporat mengambil peluang dan inisiatif untuk memperkenalkan UiTM Cawangan Perlis kepada pelajar-pelajar di samping berkongsi pengalaman dan pengetahuan tentang cabaran-cabaran di alam universiti termasuk corak pengajaran dan pembelajaran serta tips untuk berjaya dan relevan sebagai pelajar di universiti.

Pelajar-pelajar turut di bawa melawat ke Perpustakaan, Akademi Pengajian Islam dan Kontemporari, Makmal Kimia dan Makmal Polimer. Para pelajar juga diberi peluang mencuba alatan – alatan dan bahan-bahan di makmal selepas sesi penerangan dibuat oleh staf makmal.

Turut hadir dalam program lawatan ini adalah Penolong Kanan Hal Ehwal Murid, Penolong Kanan Kokurikulum dan 7 lagi guru pengiring dari sekolah terbabit.



Sesi taklimat bersama Unit Komunikasi Korporat



Para pelajar menunjukkan minat semasa sesi penerangan mengenai UiTM




**Sesi ta'aruf bersama Akademi Pengajian Islam dan Kontemporari**



**Pelajar mencuba alatan di makmal kimia**



**Pelajar dan guru dibawa melawat ke Makmal**



**Pelajar dibantu oleh pelajar Latihan Praktikal dalam sesi amali**